

Inatsisartut Suleriaasianni § 33, imm. 3, nr. 1 naapertorlugu Nunat Avannarliit Killiit Siunnersuisoqatigiiffiannut aallartitat siulittaasuut aalajangiiffigisassatut siunnersuut manna saqqummiuppa:

Nunat Avannarliit Killiit Siunnersuisoqatigiiffiata kaammattuutitut aalajangersagaanik nr. 2/2012-imik, ataani allassimatut oqaasertalimmik, Inatsisartut tapersiinnaannik Inatsisartut aalajangiiffigisassaattut siunnersuut:

Nunat Avannarliit Killiit Siunnersuisoqatigiiffiata Savalimmiuni Naalakkersuisunut, Kalaallit Nunaanni Naalakkersuisunut Islandimilu Naalakkersuisunut kaammattuutigaat apeqqutit issittumut tunngasut eqqarsaatigalugit nunat suleqatigiinnerannik sakkortusaanermik aallartitseqqullugit, kiisalu suliassa qarfinni nunat ataatsimut soqutigisa qarfigisaanni taamatullu iloriusissior-nissamat isumaqatigiissute qarfigisinnaasaanni Issittoq eqqarsaatigalugit nunat avannarliit killiit ataatsimut iloriusissior-nissaannik sulissuteqaqqullugit. Siunnersuisoqatigiiffiup taamatuttaaq naalakkersuisut qinnuigaat nunani pineqartuni nunanut allanut naalakkersuisut akuttunngitsumik ukiumoortumik minnerpaamillu ukiut marlungorneri tamaasa naapeqatigiittarnissaannik apeqqutit issittumut tunngasut kiisalu apeqqutit allat nunat avannarliit killiit ataatsimut soqutigisa qarfigisaat oqallisigalugit. Ataatsimiinnerit taakku Nunat Avannarliit Killiit Siunnersuisoqatigiiffiata ukiumoortumik ataatsimiinnerinut atatillugu sapinngisamik ingerlanniarneqartassapput.

Tunngavilersuut:

Silap pissusiisa allanngoriartornerisa kingunerisaasa malitsigisaanik issittoq avatitsinnit soqutigineqaleriartuinnarpoq, nunanik avannarlernik killernik tatisisumik. Taamaattumik nunat avannarliit killiit isumaliutigisariaqarpaat Issittoq eqqarsaatigalugu avatangiisitigut inuussutissarsior-nikkullu kiisalu nunat tamalaat suleqatigiinnerata ineriartornera eqqarsaatigalugu ataatsimut soqutigisat qanoq pitsaanerpaamik ataavartissinnaanerlugit.

Nunat Avannarliit Killiit Siunnersuisoqatigiiffiat 2012-imi marsimi Ilulissani aalajangersimasumik qulequtaqartitsilluni ataatsimeersuartitsivoq qulequtaritneqarluni ” Nunat tamalaat akornanni nunat avannarliit killiit inissisimanerat, Issittoq immikkut pingaartillugu”. Ataatsimeersuarnermi pingaarnertut inerniliunneqartut ilagaat issittumi avatangiisitigut silallu pissusiitigut allanngornerit amerlasuunik assigiinngitsunillu sunniuteqarlutillu sunniuteqartartussaasut minnerunngitsumik atortussiassanik aatsitassanit pisunik kiisalu pisuussutinik uumassusilinnik uumaatsunillu allanik iluaquteqarniarnermut atatillugu nunarsuup immikkoortuani tamaani aningaasaqarsior-nikkut ingerlataqarnerulernerup kiisalu Issittumi imaatigut aqutit nutaat ammarneqarsinnaanerisa kingunerisaanik. Tamatuma malitsigisaanik nunat amerlanerujartuinnartut nunarsuup immikkoortuanik tamatuminnga soqutiginnileriarporput peqataaleriartorlutillu.

Taamaattumik nunanut avannarlernut killernut pingaarutilerujussuuvoq issittumut tunngasuni nunallu avannarliit killiit soqutigisaat eqqarsaatigalugit naalakkersuinikkut aalajangiiniartarnerni aalajangersimasumik inissisimalernissaq, minnerunngitsumik nammineq soqutigisat pitsaanerusumik illersorsinnaajumallugit.

Aalajangersimasumik qulequtaqarluni ataatsimeersuarnermi inerniliunneqarpoq nunat pineqartut pingasut ataatsimut soqutigisa qarfitik kiisalu suliassa qarfiit suleqatigiissutigisallugit pissarsiviusinnaasutut isumaqatigiissutigisinnaasatik suussusersiniartariaqaraat, tamannalu pereerapt taakkunani suleqatigiinnerik nukittorsarlugu. Nunat pineqartut taamaallituk

isumaliutigisariaqarpaat qanoq ilillutik nunarsuup immikkoortuanik pineqartumik soqutiginninneruleriartorneq avataaniillu tatineqariartorneq pitsaanerpaamik qisuariarfigissanerlugu. Suleqatigiinneq nukittorsarneqarpat nunarsuup immikkoortuani tamaani nunat pineqartut inissisimanertik sunniuteqarsinnaanertillu aamma nukittorsassavaat. Nunat peqatigiikkunik nukittunerussapput. Peqatigiikkunillu aamma piareersimanagerussapput ataatsimut soqutigisamik attatiinnarnissaanut, taamatullu aamma pissutsit nutaanut tassanilu periarfissanut piareersimanagerussallutik.

Nunat avannarliit killiit sanileriipput imminnut qaninnerpaajullutik pissutsillu atugaat assigiingitsorpasuutigut imminnut assigiissuullutik. Nunat inukitsuunnguupput kisiannili nunarujussuaq imarujussuarlu siammarfigisimallugit. Nunat avinngarusimasunik nunaqarfippassuaqarput ataatsimoorussarpassuaqarlutillu silap pissusii, pinngortitap atugassarititai sanaartukkallu eqqarsaatigalugit. Tassunga maanna aamma ilanngunneqassaaq nunarsuup immikkoortuata tamatuma nunanit allanit soqutigineqaleriartornera aamma nunanik avannarlernik killernik tatisimmat. Taamaattumik apeqqutit issittumut tunngasut eqqarsaatigalugit suleqatigiinneq nukittorsarniarlugu nunat pingaartippaat. Siunnersuisoqatigiit isumaqarput suleqatigiinnerup aaqqissuussaanerumik ingerlanneqalernissaanik siunnersuut anguniakkap tamatuma anguneqarnissaanut alloriarnerusooq pingaarutilik.

Nunat Avannarliit Siunnersuisoqatigiiffiata nunani avannarlerni naalakkersuisunut kaammattuuteqarsimavoq Issittoq pillugu nunat avannarliit suleqatigiinnerat eqqarsaatigalugu ataatsimut iloriusissioqqullugit. Nunanut avannarlernut killernut suli pingaerneruvoq iloriusissamat suut ilaatinneqassanersut kissaatiginerlugit oqallisigalugillu ataatsimut katersuuffigigaanni. Qularnanngitsumik nukittoqutaasinnaavoq nunat matumani pineqartut pingasut qulequttat aalajangersimasut aallaavigalugit siunnersuuteqarsinnaasuuppata kissaatigisaminnik nunat avannarliit issittoq eqqarsaatigalugu iloriusissaannut ilaasussatut. Islandip, Kalaallit Nunaata Savalimmiullu ataatsimut isumaqarunik taava issittoq eqqarsaatigalugu nunani avannarlerni naalakkersuisut iloriusissiornerannut sunniuteqarsinnaanerunissaat anguneqarsinnaavoq.

Siunnersuisoqatigiiffiup naalakkersuisunut kaammattuutigaa ajornanngippat taamatut ataatsimiinnerit Nunat Avannarliit Killiit Siunnersuisoqatigiiffiata ukiumoortumik ataatsimiinnerinut atatillugu ingerlanneqartaqqullugit. Nunat avannarliit killiit ukiumoortumik ataatsimiittarneri pisortatigoortumik aaqqissuussaasareerput, taakkunungalu atatillugu nunanut allanut naalakkersuisut naapisinneqartalerpata taava Siunnersuisoqatigiiffiup aamma sammeneqartut pillugit naalakkersuisunik naapeqateqarlunilu oqaloqatigiinnissinnaanissaa qularnaarneqassagaluarpoq.